



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material




1489 - 1494

491.99

5-74

2010



002

1. ԶԻՐԱՍԻՒՄ, ԱՐԺԱՆԻՒՄ ԳՆԱԿԱԿԱՆՔԱՆ ԿԱՅ ԸՆԴՈՒՄ
2. ՔԱՆԱԿԱՆ ԲԱՐՔԱՆՈՒՄ ԿԱՆԻ ԶԻՆԻՒՄ
3. ԶՆԱԿԱՆ ԲԱՆԻՒՄ, Զ. Գ. ԵՄՄԱՆՆԻՒՄ ԸՆԴՈՒՄ ԿԱՆԱԿԱՆՔԱՆ
4. ԶԱՆԱԿԱՆ ԲԱՆԻՒՄ Զ ԸՆԴՈՒՄ ԶԱՆԱԿԱՆ ԲԱՆԻՒՄ
5. ԲԱՆԻՒՄ ԲԱՆԻՒՄ, ԶԱՆԱԿԱՆ ԸՆԴՈՒՄ ԶԱՆԱԿԱՆ
6. ԶԱՆԱԿԱՆ ԲԱՆԻՒՄ, ԵՄՄԱՆՆԻՒՄ ԶԱՆԱԿԱՆ ԲԱՆԻՒՄ  
 ԿԱՆԱԿԱՆ ԲԱՆԻՒՄ, ԵՄՄԱՆՆԻՒՄ ԶԱՆԱԿԱՆ ԲԱՆԻՒՄ



№ 3867.

**ՎԱՆԳՈՅԺ**

ԿՈՒՑ ՄԻ ԶՈՒԲ

ԻԻԲ

ԵՅՐԸՆԻ ՀԵՅՐԵՆԵԼՑ ՎԵՐԸՅ

ԿԸ ՍՐՍԿԷ

**ԽՐԻՄԵԱՆ ՀԱՅՐԻԿ**

**ՏՓԽԻՍ**

Ի ՏՊԱՐԱՆԻ ՅՈՎՀԱՆՆԻՍԻ ՄԱՐՏԻՐՈՍԵԱՆՑ

1877

# Փ Յ Ո Ւ Ր Մ Յ Ը

Վանդոյժը Հայաստանին հիմն թողնելով էր, որ Երևան  
 հայրիկը ուզեցաւ յայտնել անցեալ տարի Յուլիոյ հայերին:

Վանդոյժը հրատարակուեցաւ Պոլսոյ մէջ ներկայ տարոյս  
 սկիզբներին, որը տառիկայ կառավարութեան հրամայման որ-  
 զեղքի տակ դրուեցաւ, և արտելու եցաւ նորա ծախելու:

Ներկայիս կրկին անգամ հրատարակելով Վանդոյժը, մեր  
 նպատակն է թէ հայ հասարակութեան ծանօթացնել նորա  
 պարունակութեանը հետ և թէ նորանից գոյացած դամաւոր  
 (ծախքը հանելուց յետոյ) ի նպատակ փոխելու ինչպէս նշանակել:

Ծախալու է նախկին Կոստանդնուպոլսոյ տպագրանոցում, զննելու  
 Արժրուանոյ գալլերի յում, զինն է 20 կոպէկ: Ծախարարարա-  
 յիք կարող են զխել յիշեալ ընթերցարանը հետեւեալ հասցեին:  
 Тифлисъ. Библиотеку бывшую Иванова Перчу Прошляну.

Մ. Սակերիկեանց:

1877

Թիֆլիզ.

Ս Վ Փ Յ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՐԱԴԱՐԱՆ

1877



Մահագրք

891. 99. - 1

1872 թ. Բ. Բ. Լ. Խ.

ԱՌ՝ ՄԵԾԱՐՈՅ ԱԻՐԵԼ ԻԴ ԻՄ

# ԱՐԵՆՆԱ ՍՈՒՆԻԵՆՆ

## ՄՏԵՐԻՄ ՀԱՅՐԵՆԱԿԻՑ



1872 թ. Բ. Բ. Լ. Խ.

1009  
1895

Վասն վառուեցաւ, որ իմ և թո բնակասնունդ Հայրենիքն է. անշուշտ ձեր ազնիւ սիրան ևս մեր կարեւոր սրտին հետք վշտահար եղած է:

Այդ քաղաքաւեր կրակին համար, որ անխնայ այրեց լափեց մեր հայրենեաց կեանքը, ևս մի կաթ ջուր պատրաստեցի, չէ թէ այրած ժողովուրդին մորմոքեալ սրտին ջուր տալու մտքով՝ զի դորա համար գետեր և ծովեր պէտք են, այլ միայն Վանայ դպրատանց աղքատիկ մանուկներուն ծարաւն ու պապակը զովացնելու համար:

Սոյն իմ արտասուեաց մի կաթիլ ջուրը ձեր բարեսիրտ ազնուութեան կը յանձնեմ, որ զայն ձեր օգնական ջանիք առատացնէք, այսինքն մամուլին տալով հոգայք տպագրութեան պէտքը, որոյ դուզնաքեաց արդիւնք նուիրենք հետ քեզ մեր հայրենեաց այն կարօտ մանուկներուն՝ որք այսօր սնդաբոց, անդիրք և անթուղթ մնացին: Այս փոքրիկ բարոյական հացի նկանակը մենք մատակարարեմք, զի մեր բաժին է. իսկ հանապազորդական հացն թողումք, թող Աստուած հոգայ, ու միայն տղա-

յոց՝ այլ և հարցն ու մարց: Ոհ, հայրերը չքաւորութեամբ  
 թշուառացան և այդ անմխիթար դառնութեամբ կը հեծեճեն  
 տան մէջ. դոնէ զաւակներ մխիթարուն զպրոցին տաճարին  
 մէջ: Նէն քաղաքի մի վաճառանոցի խանութներ փակուեցան,  
 չթողումք որ զպրոցներն էլ փակուին, մինչև յիշէ Աստուած և  
 այցելութիւն լինի տառապեալ ժողովուրդին:

ԽՐԻՄԵԱՆ ՀԱՅՐԻԿ

25 Յունիս 1877

109247-ՎՀ

## ԿՈՒԺ ՄԻ ԶՈՒՐ

# ԱՌ ԻՄ ԵՅՐԸԾ ԷՆՅՐԵՆԵՒԻ

Եղի ես որպէս քու յանրակի:

Սաղմ. ձԱ. 6:

Ա՞ տայր ինձ, ո՛հ, գեղեցիկդ Վան, Վասպուրական աշխարհի զարդն ու պսակ, որ աւերակիդ աճիւնացեալ մոխրին վերայ նստելով՝ արժանի լինէի գթեզ և քո որդիքներդ ողբալ, ինչպէս ողբախօս Երեմիասն, որ լայր և կոծէր այրիամայր և գերեվարեալ Երուսաղէմին վերայ:

Որդիքներդ գերի չը գնացին ի Բաբելոն, այլ նոյն իսկ հարբենեաց երկրին ու գրկին մէջ աղքատութեամբ ստրկացան ու գերեցան. հաց՝ որ նոցա կեանքն էր, խլեցին զայն ու քանդեցին վաճառաշահութեան աղարակն, և այժմ դու համակ որդիքներովդ մնացիր նոթի և նուաղեալ:

Մի լաք, գիեցիկ մանուկներ, մի կոծէք, կաթնաու մայրեր, թէ հացն ու կաթ պակսեցաւ՝ մեր երկնաւոր Հօր դուրս, որ ճ՞նճողուկներ կը հողայ՝ զձեզ չի մոռնար. շուտ կանցնին ձեր սգոյ իրիկուն ու գիշեր, և առաւօտ ուրախութիւն կաղձունէք.

Պատահար քո՝ երկնից պատահար չէր, այլ նոյն իսկ քո  
 երկրէն և քո մէջէն. հին դրացի քաղաքացիներդ դաւեցին  
 զքեզ. նոքա՝ որ քեզ հետ կուտէին հայրենի սեղանէն, նոքա՝  
 որ քո ճակատին քրտանց վաստակով լիապէս կը յազենային,  
 ո՛հ անխնայաբար ոտնակոխեցին բարեւից հացի սեղանդ:

Այսուհետև զարդիւնս ձեռանց իւրեանց կերիցեն:

Ես գիտեմ, հաց՝ քո զօրութիւն և հողին էր, և այն  
 իսկ էր միայն որ յառաջադիմութեանդ զօրավիզ կը լինէր և  
 դու կը քայլէիր այնչափ, որչափ մանուկ մի նոր ոտք ելած:  
 Արդեօք տնակից եղբայրներդ նախանձեցան, հացն ու վաստակ  
 ձեռքէդ կորզեցին, որպէս զի դու առ քաղցի ուժաթափիս, ու  
 գիտ և ջիղերդ թուլնան, ծունկերդ կթոտին, և այլ ևս չկարե-  
 նաս յառաջադիմել դէպ ի յուսոյն ասպարէզ և լաւագոյն  
 կեանք:

Բայց ի՞նչ էր քո՝ դուզնաքեայ յառաջադիմութիւն, ևս  
 գիտեմ ու կը ճանաչեմ զքեզ. որդիքներուդ կէս մասն պանդրիս-  
 տութեան մէջ մաշելով կը մաշին, կէս մասն ևս այդը բիւր  
 զրկանօք հանդերձ հազիւ կը հայթայթեն իւրեանց ասպրուսան  
 ու պարէն. միթէ առ այդ ևս ճիսացաւ երիցագոյն եղբայրդ  
 և հին ու մոլար քաղաքականութեան դատաստանով մնասակար  
 համարեց:

Եթէ այսպէս, ափսոս, նա քան զքեզ առաւել տուժեց  
 ու չկրցաւ խորհրդով խելամուտել, որ քո կարծեցեալ յառաջա-  
 դիմութիւնդ երկրին ընդհանուր բարգաւաճման անխորապէս  
 շահ և օգտակար էր:

Եթէ յիրաւի և իրապէս յառաջադիմութեանդ քայլերը  
 հաստատուն և զօրաւոր էին, այդ իսկ մեծ շահ էր անշարժ և  
 անաշխատ եղբորդ. զի դու զայն ևս մոլելով մոլելով յառաջ

կը ասնէիր հետ քեզ, և իբրև երկու լծակից ամուսնի չառա-  
սար վաստակելով, հաւասար բաժնելով հայրենեաց ազարակին  
արդիւնքը, այնուհետև հաւասար կը վայելէիք ի փառս Օսմա-  
նեան Կայսրութեան:

Ով տիրասէր և ժրաջան Հայ մշակներ, հայրենեաց ազա-  
րակին մէջ այն ինչ միամտութեամբ կաշխատէիք բեղմնաւոր  
հունձելով երկիրը բարեշէն պահել և տիրոջ շտեմարանը գան-  
ձով ու ցորենով լեցնել, անտիրասէր ծառայակիցներ հրձիգ ա-  
րարին ազարակն, խելաթափ եղեն ու շտաբերեցին, թէ այդ  
ոճիրն արքունի գանձուն և բոլոր հայրենակից ժողովրդոց հա-  
ւասար զեան է:

Ով չի գիտեր, որ երկրի մը բունութենէն և զրկանքէն  
միապէս կը զրկուի բնակիչ ժողովուրդ, և կը թշուառ անան առ  
հասարակ սոյնու և տառապանաց մէջ Առաջնի և Աւետարանի  
որդիքներն՝ երկու դասն ի միասին պիտի նստին ու լան, մէկ  
դասն արևուն տակ և միւսն գիշերավար լուսնին, հաց հաց ա-  
զաղակեն:

Միթէ նա որ յափշտակեց բնկերին հաց, նա կո՞չտ պի-  
տի ուտէ: Ա՛չ, ո՛չ զրկանաց ու յափշտակութեան հաց առա-  
ւօտէն մինչև իրիկուն չի տեսիր, շուտով կը սպառի. զի այն  
հացն է միայն արդար ու անապառ՝ որ մարդոց ճակատին քըր-  
տանց արդար վաստակն է. ով որ առանց այս պայմանին հաց  
կուտէ աշխարհիս վրայ՝ պետական Ատուածոյն վճիռը կեղծանէ:

Չըզիտեմք քո մեղքն ի՞նչ էր, ով անգէն և հլու հնա-  
զանդ ժողովուրդ Աննայ, դու ոչ գէնք ունէիր և ոչ երբէք  
լմբոստացար տիրոջ գանազանին գէմ. քո հաւատարմութեան  
չափ հինդ հարիւր տարի է, և քո գէնք միայն խոփն ու արօր,

արուեստ և վաճառականութիւն քո գրադումն էր. և միթէ  
նոյս եղև հասուցումն քո հաւատարիմ հպատակութեան:

Ի՞նչ խորհրդաւոր օր էր հրափորձութեանդ օր, ո՞վ ան-  
բախդ Վան. միթէ այն օր քեզ համար սև օր էր, երբ թուր-  
քաստանի պայծառ օր կսկսէր, երբ Յիւզանդիոնի Վոսփորէն  
հրանօթներ կորոտային, և Օսմանեան միապետ ինքնակալ Ասյար  
սահմանադրութիւն կը կնքէր. այն ուրախ օրերում, ո՞հ, մոլեղ-  
նութեան հուրն զքեզ լափեց, ծուխով ու մոխրով խեղդեց քո  
խնդութեան ձայն և շունչ:

Մինչդեռ մայրաքաղաքն իւր համայն գաւառներով հրա-  
վառութեան տօն կը կատարէր, դու հէք ապերժանիկ Վան, քո  
տօն հրավառութիւն չէր, այլ ծախիչ ու համաճարակ կրակ մի,  
որ մի գիշերուան մէջ սպառեց զքեզ. այսր Յիւզանդիոնին մէջ  
պանդուխտ գաւառներդ երգոց ու նուագարանաց ձայներով կը  
պարէին, իսկ այդք բոցերուդ ձարձափուն միայն կը լսուէր, ու-  
րոց հետ կը խառնուէր նաև թշուառ որդիքներուդ ողբ, կոծ,  
լացն ու աղաղակ:

Ծովն քեզ մօտ էր, ջրոց աղբիւրներ և վտակներ կը վա-  
ղէին. կարածմեռն էր, թանձր ձիւնի ճերմակ սաւանով պա-  
տած էիր, շէնքերդ ամէն հողակառոյց էին, մարդ կը զարմանայ,  
թէ որպիսի՞ գիւրութեամբ վառեց զքեզ կրակ:

Այդ մի հրաշք է աշխարհի առաջ. երբ հուրն զհող  
վառեց, ո՞վ լսեց ու տեսաւ որ Վանայ շէնքերն հրդեհէն վա-  
ռին. թէ գիտէք՝ դուք պատմեցէք մեզ, ո՞ հարիւրամեայ ճե-  
րունիք, դուք դեռ ողջ էք և կապրիք այսօր, վկայեցէք երկ-  
րիս դատաւորաց առաջ:

Թուրքաստանի վերանորոգ սահմանադրութեան տօնին ան-  
շուշտ զոհ մի պէտք էր, և այն փառաւոր զոհ դու մատուցիր:

ժողովուրդ Հայոց, բայց զիտցիր, թէ կանխաւ քան զքեզ շատ  
զոհեր զոհուեցան այլ և այլ ժողովուրդոց և պատերազմի դաշ-  
տերուն մէջ:

Եթէ այլքն այնպէս դատեն, որ քո զոհն անարիւն և  
դուզնաքեայ էր սակայն եւ կասեմ քո զոհն արիւն և կեանք  
կազմող զօրութիւնն էր. ո՛հ, նշարակով բոլոր մարմնոցդ երակ-  
ները բացին, թոյլ տուին որ դու այնուհետեւ տակաւ տա-  
կաւ մեռանիս չարաշուք տղքատութեան մէջ. և քո երակա-  
հասներ չքմեղս լինելով՝ աշխարհի առաջ ձեռքերնին լուանան  
և ստեն. «Քաւեալ եմք մեք յարենէ դորա»:

Աղորմի՛մ քեզ, ժողովուրդ Հայոց, ողորմի՛մ. արդեօք լա-  
ւազոյն չէր քեզ, որ միանգամ մեռնէիր և կնքուէր քո հան-  
գրատեան զերեզման և դու երթայիր դադարէիր առ հարս քո,  
քան թէ այսպէս ի դեռին թալկանալով արիւնացամաք մեռնիս:  
Ո՛հ, մինչև երբ անամ քեզ, որ ինքնազոհ մեռնիլ սորվիս. աշ-  
խարհ սորվեցաւ այդ դասը, իւր մրցանակն առաւ. դու դեռ  
անուս մանուկ մնացիր:

Քո բախտն և քո յատկական առաքինութիւն այդպէս է,  
որ դու այդ օրինակ մեռնիս. ուրեմն փառք տուր երկնից ու  
մխիթարուիր. դու ևս ելիր այն գրկեալ արդարոյն պէս աւե-  
րակիդ աղբիւսին վերայ նստիր. ոչինչ տրտունջ կամ բարկու-  
թեան բան մի խօսիր երկնից դէմ. սաս, «Աամք Տեառն օրհ-  
նեալ եղիցի, Տէր եւտ և Տէր էառ»։ Հանդուրժէ հարուածնե-  
րուդ, թող այդ ևս քո անցեալ բիւրաւոր զոհերուդ հետ խառ-  
նուի:

Գիտեմ, մխիթարութիւն և սիտիանք դառնացեալ սրտիդ  
խոցերն ու վէրքերը շնն բուժեր, զի խիստ անօրինակ և դժըն-  
դակ գէպք էր, որ քեզ զխպեցաւ այս ժամանակին մէջ, զոր  
քաղաքակրթութեան դար կը կոչեմք, և այն յուսալից օրերը,

երբ Օսմանեան կայսրութեան նոր թուականն կսկսէր և երկրին շինութեան հինն կը դրուէր, ո՛հ, այն օրերը դու քանդուեցար:

Այ՛ն, այն օրերը, երբ սահմանադիր օրէնք պարտք և իրաւունք կը քարոզէր, հաւասարութիւն կաւետէր, քո զրկանք և հարստահարութիւն աւելի ևս ծանրացաւ. երբ այլ և այլ կրօնի տարանջատ որդիքներն ձեռք ձեռքի տալով միազգութեան դաշնակցութիւն և ուխտ կը կնքուէր մայրաքաղաքին մէջ. Վանտոսպ ընթոսացաւ յանկարծ, խզեց այս նոր դաշնակցութեան կապը, երիցագոյն եղբայր կրտսերին վերայ յառնելով կապանէր զայն:

Միթէ նա հին սրամտութիւնն ունէր սրտին մէջ, որ մոռցաւ ժամանակին վերահաս սաղնապն, շարար պատիւ խորհրդական ծերերուն՝ որ կայսերական քաղաքին խորհրդարանին մէջ գիշեր ու ցորեկ երկրին խաղաղութեան համար կը հողային, կը խորհէին հնարից ելք մի գանել, և ազատել երկիրը իւր վերահաս վտանգէն:

Ո՛վ Գուրան Գուրան, ևս չեմ հաւատար այնպէս ինչպէս կը հաւատան ոմանք, քո գպկիրներէն, թէ դու քեզ հաւատացող որդիքներուն տիրապէս հրաման կուտաս, որ Աւետարանի աղքատ որդիքներուն ձեռքէն հացը յափշտակեն, սարուկ ծանջնան, կեանքէն զրկեն. եթէ մեռցնեն՝ այդ ևս զո՛հ և արդարութիւն համարին, միով բանիւ միշտ բռնաւորութեան դաւազանով ջախջախեն զերկնք:

Ես չգիտեմ թէ ջախջախելով ջախջախելով ի՞նչ շահեցան քո որդիքները: Այդ հաշիւը տեսաւ կայսրութիւն և մեզ յայտնի է այսօր, որ Թուրքաստանի ժողովարդ ամէն կրօնի ազգերը առ հասարակ ջախջախուեցան քաղաքակրթութեան առաջ. սուտ է թէ ասեմ՝ օտարին ձեռք զմեզ ջախջախեց: Ո՛չ



ոչ, մեք զվեզ անդիտարար ջախջախեցինք և արդ փշուր փշուր  
եղանք:

Քաւ թէ թշնամագիր ողւով կը դրեմ և կը խօսիմ. ես  
Թուրքաստանի աշխարհին մի Հայ զաւակն եմ, և ի մանկութենէ  
անտի երկրին յառաջդիմութեան միշտ սիրահար. հաւատար-  
մութեան կնիք միշտ անեղծ պահեր եմ ճակատիս վերայ. և  
առ այս վկայ կը կոչեմ հազար ութ հարիւր վաթսուն և երկու  
թուականը. յորում Աովհասի լերանց վերայ քո փառք և քո  
ներողամիտ մեծանձնութիւն կը հրատարակէի:

Հինգ ամբողջ դար է, որ Հայն հետ քեզ կապրի և երկ-  
րիդ արդիւնարեր մշակութեան համար քո հաւատարիմ և լը-  
ծատար եզն է. դու աւետար երբէք, որ Հայն ընդվրդեցաւ իւր  
կենաց մէջ, կամ եղջիւր ածեց կարծրակուռ խարազանիդ դէմ,  
որով դու նորա թիկանց կաշին հարուածելով հարուածելով  
շերտ շերտ հանիր. տակաւին Հայն միշտ անմեռունչ մնաց քո  
առաջ, քո լուծը միամտութեամբ կրեց և ոչ մի անգամ մտաբե-  
րեց որ թօթափէ իւր պարանոցէն, զի հետ քեզ հաւատարմու-  
թիւն ուխտեր է:

Նախատեսէ, նախատեսէ, ով Թուրքաստան. սուրն ու  
դանակ քաղաքակրթութեան պատենին մէջ դիր, դիտցիր՝ եթէ  
ջանաս միշտ քո վաստակաւոր եզն իւր վարած աղօսին մէջ  
մորթել՝ ի՞նչ կը լինի այնուհետեւ քո շահն—ոչինչ, միայն միան  
ու կաշին. և յայնժամ դու անազան ուրեմն կուշաբերիս. և ա-  
ւա՞ղ, կը տեսնաս որ երկիրդ անմշակ մնացեր է, հացին ու դան-  
ձին սովը կը տիրէ, երկրին զաւակներ քաղցած կը մնան: Ծա-  
նիր, ուրեմն ծանիր այդ ժրագործ եղին շահաբեր արդիւնքը, փո-  
խանակ ազազուն պահելոյ՝ դարման սա՞ր ու պարարտ պահէ՞ դայն,  
որ իւր ուժով կարենայ վարել քո խորդացեալ երկիրը:

Ո՛վ սուրբ հաւատարմութիւն, ո՛վ պայծառ աստղ, որ կը  
փայլիս Հայոց ճակատին վրայ. շղիտեմք քո պայման, քո շափ  
և քո սահման մինչև ո՛ւր է, և Հայն իւր հաւատարմութեան  
փարձն ու պսակը կըրբ պիտի ընդունի: Նթէ այսպէս դու ան-  
փարձ անպսակ մնաս և մերթ ևս փոխանակ փարձուցդ ծանր  
ծանր հարստահարութիւն, ուրեմն այդ քո առաքինութիւն ի դուր  
և ընդունայն է աշխարհիս առաջ:

Դու գիտես, ով հաւատարիմ ժողովուրդ Հայոց, մարդիկ  
և ազգեր կան, որ քո այնչափ հաւատարմութիւնդ կը ծագեն  
ու կը մեղադրեն զքեզ. երբ կը տեսնան որ խիստ անմեղուն  
անզգայ կը լինիս հաւատարմութեանդ մէջ, մինչև անշունչ ան-  
բարբառ գիակ մի կը դառնաս դու, այնպէս որ պարկեշտու-  
թիւնդ կը նշաւակեն և կոխկռտելով կանցնին վերայէդ, և դու  
չես խնամար: Միթէ գուհաց կա՞ն ևս դու աշխարհիս երես. ևս  
էլ կը դատիմ զքեզ, թէ այդչափ սարկանաս և աղարատեա մարդ-  
կութեան ազատ պատիւ:

Սակայն դուք մի՛ վհափք, Աւետարանի հարուածեալ որ-  
դիքներ. յոյս առ ու քաջալերուէ, ժողովուրդ Հայոց, երկհա-  
զար ամ է որ միշտ կը ջախջախուիս ու չես մեռնիր. Պարսիկ,  
Յոյն, Արաբացին և Կովկասեան բարբարոս ազգերը միշտ ար-  
շաւեցին ու քանդեցին քո հայրենիք. բայց դու անվիանդ՝ ան-  
յուսահատ տակացող ուղի մի ունիս, որով կապրիս ու կը մնաս  
մինչև ցայսօր:

Շաւա քո կեցուցին զքեզ, ասաց Քրիստոս. ուրեմն  
հաւատար, որ երկնից Նախախնամութիւն արգար և բարեխօս  
է. քո սերուն ու արմատ պիտի պահէ այդ բնիկ հողին մէջ, որ  
քո հայրենատուր ժառանգութիւն է. ընդունայն կը ձգնին այն  
ձեռք, որ կաշխատին զքեզ արմատախիլ առնել:

Ելէք ուրեմն, մի՛ նստեք և յուսահատ ողբաք այդ ապաժոյժ աւերակաց վերայ, ելէք, Վանեցիք, Թաղեցէք այդ մեռելը, վրան կոթող մի կանգնեցէք ու զրեցէք այս յիշատակարանը. «ԱՍՏ ԹԱՂԵՑԱԻ ՎԱՆԵՑԻ ՀԱՅ ԺՈՂՈՎՐԴՈՅ ԳԱՆՁՆ ՈՒ ԿԵԱՆՔ»:

Այդ անյարիր մեռելին սղոյ հանդէսը կատարելէն յետոյ, ելէք դարձեալ, առէք բահն ու բրիչ, հորպեցէք, պեղեցէք ձեր աւերակները, դուք ձեզ համար ճարտարապետ եղիք, հիմը դրէք և շինեցէք ձեր աւերեալ տունն ու քաղաք. անցեալն էանց՝ այլ ևս չի դառնար. ձեր դասն և իրաւունք թէ մոռանան աշխարհիս դատաւորներ, թողէք յայնժամ թող Աստուած տեսնայ:

Ո՛ւմ կայք և ո՛ւմ կը սպասէք այժմիկ, ձեր արաստուհոս աչքը դէպ յերկինս դարձուցէք. «Թղնութիւն ձեզ ի ճեարունէ կեկացէ»: Հայոց աշխարհի աւերակները շատ են, իւրաքանչիւր գաւառացին, քաղաքացին և գիւղացին թող իւր աւերակները շինէ, և դուք զձերն:

Գիտեմ չքաւորեցաւ ձեր ձեռք, ո՛հ, զոր այժմ կարկառելով այսի միայն հաց կը խնդրէք. գիտեմ, թէ քանի՞ դրժուարին է կրկին կանգնել ձեր վաճառաշահութեան շէնքեր և նոր դրամագլուխ հաստատել. զոր երեսուն, յիսուն տարուան միջոց հազիւ ուրեմն հաստատած էիք:

Չեզ ասեմ, ձեզ ասեմ, Վասպուրական երկրի գիւղական ժողովուրդք, ձեզ յորդոր կարդամ, ձեր առաքինութեան ժամն է ահաւասիկ. Վան քաղաք ձեր նեղութեան սպաստանարան էր. դուք ամեն անձկութեան մէջ քաղաքացւոց կը դիմէիք, իսկ այժմ նոքա ձեզ կը դիմեն, զի աշխարհիս շրջանն այսպէս կը դառնայ: Տուէք ուրեմն ինչ որ ունիք. փոխարինեցէք սիրով

մինչև կազմուրի քաղաքացւոյն ուժը, զիսցէք՝ ձեր թե ու թի-  
կունք քաղաքացիին է. հասէք յօղնութիւն, որ ձեր կենսական  
ուժը զօրանայ դարձեալ և խաղառ չը ջլասի:

Իսկ դուք, անկեալ քաղաքացիք, դուք առաւել պէտք է  
ձեռն առք միակեանց, որ ի միասին յոսին կանգնիք. ահա ա-  
սիկ է ձեր առաքինութեան ժամ, ընկերութեան ժամ,  
Քրիստոնէական եղբայրութեան ժամ, անձնանուէր բարեկա-  
մութեան ժամ, միարան հոգւով ու շնով գործելոյ ժամ, ճշշ-  
մարտութիւնը բարձրարարութեան խօսելոյ ժամ, խօսեցէք, վկա-  
յեցէք, մի՛ երկնչիք, խօսեցէք ու հաւատացէք, որ ճշմարտու-  
թիւն պիտի աղասէ զձեզ:

Միանգամ ելիք ու մտաք այդ խաչակրութեան ասպարէզը.  
դուք քրիստոնէութեան արժանաւոր որդիքներ կը լինիք, թե  
անարատնջ սղւով ասնիք այդ խաչերը. կարդացէք պատմու-  
թիւն, յիշեցէք ձեր անմահ առաքինի նախնիքն ու պապերը,  
որոց գլխէն այդ անցքերը շատ անցան արխնով ու մահով  
հանդերձ:

Թէ յիրաւի ձեր արիական նախնեաց նմանոյ հարազատ  
որդիքներն էք, այս հրոյ ու սրոյ ժամանակին մէջ ցուցէք ձեր  
առաքինութեան հանդէսը, զօրացէք ու զօրացուցէք վհատած  
ոգիները, նկուն մի՛ լինիք փորձութեան առաջ՝ զի մարդոյն կե-  
նաց ճանապարհ այս աշխարհիս վերայ լի է գժնդակ փուշե-  
րով: Առաքինիք միայն զայն կոխելով կանցնին, իսկ վատասիրու-  
ներ կը լքանին:

Կոխեցէք և անցէք, ո՛վ աշխատաւոր եղինք, մի՛ թափա-  
սիք ու հեռանաք ձեր աւերակ աղարակէն, ելէք դարձեալ  
զոյգ զոյգ լծուեցէք. ձեր սամոսիք պինդ կապեցէք ընկերական  
սիրով, հեծելով՝ փնջալով վարեցէք ու պատուեցէք այդ տառա-

պանայ ահօան, մշակներ, դողնայ կապեցէք, լի յուսով ցանեցէք ձեր վաստակատէր քրտանց սերմն, սրահ մի ևս սպասեցէք, զի ձմեռ է, ձիւն և սառնամանիք ծածկեր են մեր աշխարհ:

Գարուն մօտ է, Հայոց աշխարհ, և պիտի դայ ծիծեռնակ քեզ աւետիս տայ, թէ Քուրքիոյ աշխարհին երկունք կանցնի և իւր վերածնութեան օրը հասած է, և դու տես յայնժամ թէ ի՞նչպէս այդ մոխրակոյտ ագարակն անդրէն բողբոջելով կը կանաչի, և քո վերջին բարգաւաճ կը լինի քան զառաջին:

Դու լոյս և արե կը սիրես, ժողովուրդ. լոյս և արե գ. քեզ պիտի վերածնին, քո հրայրեաց երկիր մարգագետին կը դառնայ. լուսին ի վերուստ վերայէդ անցնելով պիտի զարմացնուի հայի, երբ տեսնայ, որ Արծրունեան աշխարհի որդիքներ հասնակ արծուապէս նորափետուր զարդարուած են, զոր բռնութիւն փետտեց որ լերկամարմին անպատանք մեռնին:

Աերպան և շուխայն և պէսպէս Եւրոպիոյ զարդեր հանին քեզմէ, ժողովուրդ, մի շուարիր թէ դու մերի անպատրաստ պիտի մնաս. այդ քեզ թող մի բարի խրատ լինի. խելարերէ այսուհետեւ, կեանքիդ անտեսութեան գասերդ լաւ սորվիր. վաղուց մոռցած էիր, բարակաման կտաւներ կը հողնէիր, յիշէ այժմիկ քո հաստ կտան ու խամաքին:

Շուտ արա, շուտ արա, հին կառաւորութեան հորերդ բաց. Հայոց աիկնայք, ճախրակ մանեցէք, թիւ հասուցէք, և դուք այրեր, կտաւ գործեցէք. կարմիր կապոյտ ներկեցէք. վաշ, ի՞նչ վայելուչ է, եթէ դուք ձեր աշխատութեան պարզ ձեռագործներ հազնիք որ շատ տոկուն է և շահաբեր, և միանգամայն կը ջեռուցանէ ձեր բաց կուրծքեր և քրտնած թիկունք:

Տէր ապուէն մեր, գ. քեզ կը յիշեմք միայն մեր նեղութեան մէջ, դու ևս միակ անկեալ ժողովուրդաց խնամակար հայր.

ի՞նչ է մահանացու մարդոյն գրիչ և լեզուն, որ կարենայ մխիթարել քո վշտահար ժողովուրդ. և ի՞նչ է մարդոյն ապիկար ձեռք, որ կարենայ բառնայ հարստահարեալ զաւակներուդ բազմապատիկ աղէտները: Բարձ, Տէր, բարձ, այլ ևս բաւական է քեզ՝ հաւատացող ժողովուրդին տառապանք և Հայկայ տանաւերումն, վերաշինէ մեր քանդուած աշխարհ և մեր փլած տունը. եթէ դու չը շինես՝ ի նանիր վաստակին շինողներ:

Տէր բարձրեալ և ահարկու, դու կը հայիս և կը տեսնաս Նրինից պետական ակժոռէզ, որ երբ սարկացած ազգեր կուլան քո առաջ, ինչպէս կուլայ կարօտ մանուկ իւր ծնողաց առաջ, աշխարհիս ազաւ և հզօրացեալ ազգեր կայսլանեն, ծաղր ու կատակ կառնեն զմեզ. երբ մեք մեր զրկանաց դատաստան և իրաւունք միշտ քեզ կը թողումք զխնայում որ անօգնական ազգին՝ միակ սպաւէն և զօրութիւն դու ես:

Աստուած մարդասէր, մեր գթած Սամարացին դու ես, մարդոց այս անխնայ դատաստանէն զմեզ ազատէ. որք Նրիքովի ճանապարհի վերայ ընկած վերաւորը կը տեսնան, և զիտեն իսկ, որ նա ինքնին անյարիր է, դարձեալ զանց կառնեն. մին կասէ, ի՞նչ շահ ունիմ ես որ ձէթ և զինի ածելով վէրքերդ պատեմ, և միւսն՝ թէ ի՞նչ վարձ կուտաս, որ զքեզ բառնամ տանիմ մինչև ազատավայր պանդոկ, ուր դարման տանելով քեզ՝ ողջնաս և նոր կեանք ստանաս աշխարհիս վերայ:

Այսպէս անկարեկիր են մարդիկ, ո՞վ Տէր, առանց պայմանի մեր վէրքերուն զեղ և դարման չեն գներ, և առանց փրկանաց գին խնդրելոյ զմեզ չեն փրկեր. սորա համար Նաւիթ իւր ժողովուրդին խրատ կուտար. «Մի յուսայք յիշխանս՝ յորդիս մարդկան, զի ոչ գոյ փրկութիւն ի նոսա»:

Ես կը լռեմ, Տէր, թող այրած ժողովուրդին հեծեծանքն միայն առ քեզ հասնի. բայց ի՞նչպէս լռեմ. թէ լռեմ ես, Վասպուրականի քարեր կաղաղակեն, երկու բիւր ժողովրդոց աչք վկայ են այս ճշգրիտ իրողութեան. թէ աշխարհիս իշխանութեան դատաւորներ այս վկայութիւն չընդունին, այնուհետեւ դատ և դատաստան քեզ կը մնայ, ո՞վ իրաւարար Տէր:

Մամո՛ւլ, մամո՛ւլ, որ քան զարծիւ արագաթե ես, նա և տար մորմոքող սրտիս ցան ու հառաչանք և աչքիս աղէջուր կաթիլները, տա՛ր, ցողէ՛ այն իմ այրած Հայրենեաց փոշիացեալ աւերակներուն վերայ, ցողէ՛ վառուած ու մրկած սև սիրտերուն վերայ:

Գիտե՛մ, գիտե՛մ, այս իմ հեռաւոր նժդեհութեան վայրէս զքեզ լալ միայն հերիք չէ, ո՞վ իմ բնակասնունդ Հայրենիք, ո՞վ իմ խանձեալ խանձարուր. դա՛մ դա՛մ և քեզ հետ կական բառնամ, մոխրակուտիդ վերայ ողբանուէր նատելով զքեզ ողջագործելով լամ:



Дозволено цензурою. Тифлисъ, 29 Апрѣля 1877 г











2013

1489-1494

<< Ազգային գրադարան



NL0060931

<< Ազգային գրադարան



NL0060930

<< Ազգային գրադարան



NL0060929

<< Ազգային գրադարան



NL0060928

<< Ազգային գրադարան



NL0060927

<< Ազգային գրադարան



NL0060926

